

集部・總集類

中州啟劄・中州名賢文

表・成化十一年會試錄・

國朝歷科題名碑錄初集

北京圖書館古籍珍本叢刊

116

書目文獻出版社

ISBN 7-5013-1570-1



9 787501 315703 >

北京圖書館古籍珍本叢刊

116

集部·總集類

中州啟刻·中州名賢文

表·成化十一年會試錄·

國朝歷科題名碑錄初集

編者 北京圖書館古籍出版編輯組

出版 書目文獻出版社

(北京天津街七號)

印刷 北京大興古籍印刷裝訂廠

定價 叁百壹拾圓

ISBN 7-5013-1570-1/Z·273

目錄

中州啟劄 四卷 一

中州名賢文表 三十卷 三三

成化十一年會試錄 一卷 四一七

國朝歷科題名碑錄初集 不分卷明洪武至崇禎各科不分卷 四七五

中州啓劄卷之一

與楊煥然

趙開

某拜啓某國士大孝几下某前

承

話終日極有開發遠別以采不勝

想秋盡復得

面不意遽遭變故荼毒之哀辰下伏想苦理之餘孝履支

福某眼疾如昨承遣人重足千里外送眼藥良感 勤伏

蒙贈以抑義段子悚愧悚愧論語未有印者欽叔西行不

知有餘者否孟子解先寄去中庸大學相次

寄

呈足下高才博學留心經學研究聖心冥

命焉為不足置意張子中允府試、官本

伏冀為遠大節哀順變不宣

某啓上某先生函文書未具審

靜之詳魚承惠簡知感

和感某眼皆如舊繼以石氏女

殊不樂以是

席下未能照館論語及中庸

去 續當寄去次

經義已為四人詞賦未知可否想中選多矣皆足下誘掖

力欽羨今之士人少問道學但知為己其於為人蔑如

也古人得志雖一邑承簿亦可為人量力而已未得志教

人以善亦行道之一端也足下才高識明當以孔孟之學

啓導一方萬一未遂亦不虛生也至祝未由披覲切冀為

遠大壽重萬一不具

與中書即律

元道山

門下士太原元某謹齋沐獻書中書相公閣下易有之天

造草昧君子以經綸伏惟閣下轉佐王室奄有四方當天

造草昧之時極君子經綸之道凡所以經造功業者定制

度者本末次序宜有底象非門下賤士所敢與聞獨有一

事系制文為其重故不消不為閣下言之自漢唐以來言

中州啓劄

卷一

一

良相者在漢則有蕭曹丙魏在唐則有房杜姚宋數公者

固有政太平之功而當時百執事之人毗助贊益者亦不

為不多傳記其在蓋可者也夫天下大器非一人之力可

舉而國家所以成就人材者亦非一日之事也從古以來

士之有立於世必藉學校教育父兄淵源師友之講習三

者傳而後可喻如修明堂總章必得搜摘豫章節日礪砥

萬牛挽致之材預為儲蓄數十年之間乃能備一旦之用

非若起尋丈之屋構榱桷揆揆櫨櫨雜出於榆柳槐栢

可以朝衣而暮足也竊見南中大夫子崑河朔者在所有

之聖者之後如衍聖孔公耆舊如馮內翰叔獻果都運斗

南高戶部唐卿王延州從之時輩如平陽王狀元綱東明

王狀元鶴賓人王賓臨淄人李浩秦人張敬揚煥然李庭

訓河中李獻卿武安樂慶固安李天冀沛縣劉汝翼齊人

謝良弼鄭人呂大鵬山西魏瑞澤人李恒簡李禹翼燕人

張聖俞太原張縉李謙冀致君張耀卿高鳴孟津李蔚真

定李昭相人胡德珪易州敬鉉雲中李微中山楊果東平

李西華徐世隆濟陽張輔之燕人曹居一王鑄潭原劉

祁及其弟郁李公平定賈庭揚揚起濟南杜仁傑海永張

仲經虞卿麻革東明商挺漁陽趙著平陽趙維道汝南楊

鴻河中張肅河朔勾龍瀛東勝程思溫及其從弟思忠凡

此諸人雖其學業操行參差不齊要之皆天民之秀有用

於世者也百年以來教育講習非不至而其所成就者無

幾喪亂以來四十人而止矣夫生之難成之又難乃今不

死於兵不死於寒餓造物之學而授之維新之朝其亦有

意乎無意乎誠以閣下之力使既指使之尋息奔走之役

聚養之分處之學館之奉不必盡具饘粥足以糊口布絮

足以蔽體無其大費然施之於家固以骨而肉之矣他日閣下求百執事之人適左右而取之衣冠禮樂記綱文車盡在於是將不能少助閣下蕭肅內親房杜規宋之功乎假而不為世用此諸人者可以立言可以立節不能泯滅點之以與草木同腐其所以報閣下始終生戒之賜者且如何哉閣下主盟吾道且樂得賢才而教育之一言之利一引手之勞豈不為諸生惜也冒瀆台嚴不勝惶恐之至某再拜

與白樞判兄

某頃首自乙巳歲往河南舉先夫人旅殯首尾閱十月之久幾落賊手者屢矣狼狽北來復以英事往東平連三年不寧居坐是不得奉起居之間吾兄亦便一字不相及何也如聞曾定襄人處寄書然至今不曾見但近得仲庸書

報欽山已娶婦吾兄飲啖如平時差月為慰耳去秋七月二十三日忽得足疾癱瘓賴臂者急拯之僅免偏廢今臂痛全減但左右指脈水仍在也此未數處傳其下世已有作祭之說解者此雖出於姑者之口亦恐是殘喘無幾神先告之耳向前八月大英之役惟有寶錄一件只消親去順天府一遭破三數月功抄節每朝終始及大政事大善惡繫廢興存亡者為一書大史及正大事則略補之此書成雖遠死道遠無恨矣更看向去時事稍得放鬆否也王先生碑今送去中間有過當處吾兄細為商略之碑石想亦未便立得他日改定亦無害也所欲言者甚多聊疏二三事欲吾兄知之有便望一書而報也時暑自愛不宣

答中書令成仲

張子敬處傳悉盛意未幾張伯亭來招致殷重甚非衷謬

之所堪任其選也不得不以書通葵卯之冬蓋嘗從來使一到燕中承命作先相公碑初不敢少有所望又不敢假借聲勢悠者若謂鳳池被奪百謫百罵嬉笑嫺嫺上累祖禍下辱子孫與乘輦無血嫌無骨恨而乃樹立黨與揆違事端欲伐之即日灰滅固知有神理在然亦何苦以不賢之軀蹈覆車之轍而試不測之淵乎居侯材量闊博嵩有時望士大夫出於門下者有何限重朝夕接納足以廣見聞益智慮而執事業傾僕何人敢當時達之遇乎復有來命斷不敢往孤奉恩禮死罪死罪

答聰上人

某頃首啟四月末自太原來鎮州得春浚手書副以寶刀新什及復熟讀且喜且嘆又愧稟謬無以稱副好賢樂善之心耳僕自負祐甲戌南渡河唐犬馬之齒二十有五遂

然楊趙之門所與交如辛敬之雷希顏王仲澤李欽叔麻知幾諸人其材量文雅皆天下之選僕自以起寒鄉小邑未嘗接先生長者餘論內有缺然故痛自鞭策以攀連焉後學時文五七年之後頗有所進而學古詩一言半辭傳在人口遂以為專門之業四十年矣見之之多積之之久彈毫落筆自鑄佛詞以驚動海內則未能至于量體裁審者節權利病瘥真費攷古今詩人之變有愈且而無姑息雖古人復生未敢多讓常記平生知己如辛敬之李欽用李長源卓敬人每示之一篇便能得人致力處自諸賢彫喪將謂無復真賞乃今得方外三四友如上人者其自幸宜如何哉上人天資高內學富其筆勢橫闊已出時人畦畛之外唯前輩諸公論議或未能聞而饜道之耳古人有言不見異人必得異書可為萬世學者指南可終身

守之此僕平生所得者敢以相告錦機已成第無人焉深
本年間得斷手即當相付亦倚公等成此志耳人行遠書
本不盡言時著萬以道自護不宣

荅大用萬戶

某頃首啓末原宿面幾半歲之久辱公家賢弟昆慰藉之
厚內有哀謬愧無以當之耳即日伏惟起居萬福孫德謙
張夢符津送至魏京今東歸矣雷氏霸鍾亦名器也昏門
舊物果有所歸到日公自知之臨行聊此為候向瞻千萬
自愛不悉

某頃首辱書知賢昆季雅意愧裏謬無以當之即日伏惟
侍奉萬福自西歸鹿泉值中女病劇奔詣太原面百許日
僅得勿藥即欲東行離聞相君北上且留待他日諸餘張
婿能言之所需橫荷侍女圖今奉去樹堂堂記相見下筆

未晚歌器賦全文并跋語千萬錄寄欲入見閱錄中時著
彊學為親加愛不一

與楊春卿先生

某頃首某別去又復久如秋香亭夜飲之樂享復安有追
詢諸弟佳什以為歡息也比來高況何如某今在鎮陽程
婿以事惟一切倚之公等想不煩多祝也氣節方隆惟萬
萬彊學自愛不悉

與呂子謙奉議

馮內翰

頃首再拜手契才弟近承手書知陪恭張車從平運燕城
為慰即日春和伏計文候福履佳勝四奴已依來命止全
專讀語孟及說論語此中在齋除泰外別無他人習
生日費頗甚官急欲禱參謀於春秋少添衣裝望與春卿
更為商訂如無望礙幸望某周旋贊成非敢望也某今幸

運桑梓元無輕舉之意既承君忠告之訓敢不拜嘉此外
屋累貧安如常不足貽念如見楊兄煩呼賊名申千
萬意未中春暄更祈以道壽重不宣

與劉太休

某頃再拜昨晦國師上人昔嘗奉閣下屢荷提誨感佩
佩今欲拜見王府業已行矣以久不見閣下渴心搖廢
此行敢陳卑懇不意事倏中止信哉行止非人所能也謹
遣行人以代面酬即欲言者謹具別幅靜中希一電購更
望回賜片言一砭膏肓幸甚身滯心馳不勝傾禱之至時
秋尚暑千萬以軍國自重不宣

與呂子謙奉議

王百一承旨

某頃首喪事畢由我陽如杞遂與誠之相驤跌宕宿而使
至收德甫于清二書甚悲懇懇魚承誠之小簡告以女子

手璋之慶良荷及見書尾有某批示

南北性未運、改、者改為是再達某

相向周旋然宜之以次當路者不敢不告比歸事已濟矣
然更須求教書與范陽諸親事、無不諧也單儲比舊日
頗可觀然更宜規畫蓋前治盡謬繼之者難為功似聞南
陽千里之運人不聊生北州遠倉輸猶不能已其然豈其
然耳二公之為詳議甚慥公望是言也母乃多乎德甫子
清不及作書致意

與呂子謙奉議

某再拜久不奉起居計惟安好燕城士風比舊日差勝釋
其破官錢月旦必告朔文會歡飲無月無之但欠吾子謙
耳淇上士人比之他處為多公餘談亦自佳也同院故
人阮石烈惠明之子寓曹門久因未燕見都遵惠甫於其
館渠有言奉事以未嘗識吾友故禱書為先容幸亮之誠

之教授舉燕京一路學校生衛甚幸一知不宣

某頃首愛弟王濟川處尋書寄示如對談笑燕城文會比歲殊勝舊年但以吾友出仕少一和氣耳表弟韓茂之聞書其為趙相和羅官舍官數年矣今茲得清信歸鄉里為其守墳僅行一座名係都運與關生門下則安矣關生日相見望與都運議其可否

與呂子謙即中

賓太師

某頃首某執事昨承手誨見論不勝感佩即日秋涼計所履佳勝僕近習庫作今饒少息也適值信之行謹手啟起居又以碎事欲言信之能也此遂良晤切祈以道與時自重不能忘

與游宣撫子明

某頃首再拜某閣下辰下庚伏竊惟聽政之餘台候動定

下千里其福前者多承眷顧感感佩佩獎家在彼又不為無倚也某諸況不足煩閣下道比由恭會先此奉聞伏冀為國為民珍勗不宣

某頃首再拜某閣下別後徒增悵惘曩者車從面此未獲款由請教封誡之往先謹書謝聞邢州任縣地相公略與料理張安撫者府中舊人也某不必喋喋想高明亦有眷顧焉辰下暑炎比由良晤更此奉知伏乞少斯民愛不宣

與張宣撫

姚左丞雪齋

某頃首再拜上某典記即辰秋涼伏惟鈞侯動止集福前者軒旆路過真定殊無一待迄今為懷今又承遣使玉某以羊酒慰勞感幸感幸今所承公委及場裏去底人并鄧州裡養一事謹依來命不敢怠慢使旋姑此藉手以聞魚謝未由良晤更冀以時善加調護至祝不能盡

與呂子謙恭議

某頃首某閣下重過探端站錄生某一笑沙草覆平岡經過憶時昔解鞍息汗顏蒙茸藉柔碧日月曾幾何歸路滿秋色乾坤嗟飛蓬人生亦飄忽風塵獎表難奮弓刀陌勲業愧清觥雙七漬冰雪從軍壯年事胡為重茲役矯首望南窗悵淡風雲集東平仗黃鉞騶虞自良德千秋武惠心賴耳憂疑釋君有少語尚祈留意未聞十萬以斯文自盡為禱不既

與姚左丞雪齋

楊西菴

某呈左丞相公先生閣下盛暑伏惟鈞履靖嘉不勝敬邑惟此久旱百姓憂畏不知所以此皆某輩無善政之過因鄭司直北行已惶恐謝罪今全據曹長為某特往控告一即為望寔在相公哀憐之未卜恭承尚為天下國家自重不既

與姚都運

某頃首拜上公茂閣下自遠風度幾換星霜欽仰之誠有加無已秋暮計鈞履轉和少亮敵邑倉監杜通甫部執齊河近聞斗斛頗差不能卒畢幸公顧不肖薄面早令得事了極荷人行謹此奉聞未趨謁間惟惠時倍珍勗不敷某頃首再拜先生閣下即日春暉伏惟鈞履嘉靖日聞相公大拜天下士庶莫不忻忭况親舊如某者其喜可知但恨不能奔走奉賀振厲玉某行謹此謝罪餘不敢僭越未趨謁間切冀以經綸自愛不既

某頃首公茂閣下霜寒敬惟起居康吉僕去歲三月出燕行李思相別吾相于鞍馬上不能款曲下馬一拜迄今為懷僕今歲以美事在鈞者數月近復還京衰老之迹殊

不足為吾相道友人侯魯傑行始此上聞良晤未期更冀惠時自重不宣

某拜違半度倏忽半載企仰之心與日俱積并以病中不獲時進左右之問罪莫大焉辰下小春謹時伏惟蘭省優將鈞侯茂膺繁祉向承佳訓銘在肺腑大馬之報誓在他日今表弟某行謹賁狀呈候某即此速依餘庇舊疾稍愈不敢上勞惠念此緣奉侍更冀順時千萬以達大業愛重某頓首再拜某閣下奉違光儀思生羽翼日方南至教惟鈞履佳勝頂聞祈福于燕始知動定殊慰離憂某承之南荒凡事藉庇勾當粗前茲何多幸謹貢尺書以候無恙對越漸近讌飲有涯未聞之度時為國民自珍育不備

與呂子謙恭議

某頓首再拜上吾弟從者自去歲秋以病還洛不得如渠

某時：復相見甚為於邑琪上人來常得動定為慰

月二十日忽患左手足不能舉動以酒為虐也不三年凡兩病並以攝養不謹有以自取之勉秀才自此當絕交矣除妄足為吾弟道今年洛中二麥頗收僅能支歲俸統一飽之外不復為人元包裹也呵、高倉使一行有對簿之行求書以為地吾弟明恕必有以處之也不煩說、閑門要路邈不相干涉會期卒未能卜未聞宜履此夏暑自愛重不宣

某頓首再拜啓遠中領手書仍收周侯所賜奏議感、前日洪上留連數日通承寵顧臨行復不能相辭得罪於吾弟多矣幸以情恕某病軀支離不堪鞍馬之役復為時暑之所侵薄到家病痼迄今未復其為無用之人明矣可付一笑趙先生處不及另狀同此意也未聞莫千萬自重不宣

與史丞相

某呈丞相大恩府閣下即日失暑伏惟鈞侯福履萬某朴陋無異能解幸在相公門下承相公蒞拂日久故得碌碌至此然猶已自有於利物及人終無銖兩之効慚、惡日者又值旱暵為災重為百姓憂坐聽嗷、無術可救某之得罪不敢逃罪得罪之後疲民粗有分解亦所心方是思惡之時不於仁人長者盡力哀請將何所仰乎萬望相公哀憐之儻來便以聞今歲賦調之中量加減免寔一郡生死而骨肉也於相公之德想必有焚香禱禱神以報萬分之一者冒瀆之辭出於迫急惶、恐、惟相公情恕未涯趨侍尚為天下國家自重區、至祝不既

與藏春閣師

某呈國師上人又侍日來鄭司直呈有謹候起吾具告啟

色早災事計不浮沉誠不敢坐視百姓疾苦時遣拯為馬其從納憐曲中北上哀請庶幾萬一於今歲租調中重獲輕減用是不得不再致悃幅唐突之罪寔無所逃惟賜哀閱為望未趨侍間暑溽切冀以速自愛不既

與趙平章寶臣

某呈某閣下奉違半度不勝傾企隆暑伏惟鈞履起居今福日因大早嘗於鄭司直附懇百姓嗷、之心傳晚清聽計相公救災之議已素定於胷中矣敢用遙謝今遣郡曹為某徑往請音惟相公哀矜之為望未恭侍間切冀以經濟自厚不備

與張平章冲一

某呈某閣下時暑伏惟鈞侯受福彰德疆土蕞爾常歲豐收僅能供給租調以某不仁不明重值歲旱罪戾是速無

可言者但慮科徵之間百姓必有不妥之患為之奈何相
公平日濟時行道為心萬望回示哀矜從容奏請稍得輕
減甚大幸也餘不敢惜越未舊地中丐惠愛區：至祝

某呈某閣下時暑伏惟鈞履綏福某侍罪和下幾七年矣
未有善政及民今最爾之區值此久旱二麥焦枯秋田不
能下種疲民祖調將何以支重責在躬夙夜戰栗無可言
者牧民之吏或以天災得罪夫何敢離誠念老弱轉乎溝
壑壯者散而之四方如孟氏所言者可為寒心敢告相公
回賜哀矜萬為奏請庶幾少有分解過是不敢惜越未錄
趨拜惟冀以經綸自愛自重不寬

某呈某閣下自違平度瞻望懸：某不肖七年之間殊無
一政可錄愧怍愧怍重罹大旱又為百姓憂赤地如赭欲
於此供出租賦可謂至難其間利害有不可盡言者相公

平廟堂日夜以生民為憂懷於清燕之間以一言奏請略
得輕減恩至渥也天下雖至愚如某者亦豈不知報願為
驅役惟閣下裁答未由越時時暑切親為國自愛不重
某呈某卿舊閣下時暑伏惟鈞履綏福近為旱災百姓憂
恐已因鄭司直北行之便奉辭懇禱期以一言為地想通
記室今續達知事為某上謁某所以望於相公者蓋不敢
實言矣惟萬：見憐甚幸未錄奉觀切冀以天下
愛至祝不克盡

與王左三部侍郎子勉

某頓首再拜某侍即學士執事睽別日久渴見之誠其亦
可知陰暑惟文履慶裕今歲相土大旱夏麥盡稿秋稼未
苗百姓憂恐不知所賦調之間少有殷迫想必有英
散不安之害雖罪不肖其所關繫亦可謂不細矣今為知

事專往控告萬望執事力為禱禱實達北工儻獲輕減皆
吾兄子勉學士之所惠也敢忘大報未錄良晤惟惠時自
愛不宣

與呂子蘊恭議

王文炳學士

某頓首再拜吾友執事李有差自西還辱手詢襄拂通雷
悚息悚息具審比日起居安好為慰魯衡相去非遠行李
往還者亦時有之不能惜尺牘之敬乃為執事所先某疎
懶之罪深矣濫臺事簡主人仁賢握笑橫豎聞功利可以
及物前戲相見時子蘊猶有還燕之意乃今肯遠而處甚
好甚好時候日熱比遂會晤惟可以遠業自厚愛不宣

與郝伯常

某頓首再拜某學士曩者專价置書琴屈文旆達奉命
赴燕竟不遂所請大為不足方茲引領西望還辱手澤披

玩再三且知復有惠然之意其於信義之重久要不忘斯
可見也欽羨欽羨今專此復聞指日還車為於郊野寒暄
俗禮不及縷陳幸加情照未龜良晤尤宜為速業自重

與呂子蘊即中

杜止軒苦夫

某頓首再拜某寄錄跋某鎮撫射虎圖留題洞真觀壁後
竹嘆及賀爭謠李浩然命賦觀熊四詩已曾錄去少有應
手及吾弟子隰天下士不吝點竄眼花手顫不能細字以
呈幸恕之不宣

與湯春卿

某頓首再拜益友近歲有到燕城而昨昧之意甚厚何可
忘也之純自北渡後文華大進又且位以不次不肖以謂
苟貸以十年不死其熟業行履有不讓古人者渠翻然謝
世幸與不幸天下自有公論非不肖所敢望燕京諸君於

義亦當一挽已於魏文書中祝之矣因妹夫梁進之行散以此見託進之臂之翹楚到望為地進之迴之純婉詩盈軸以望餘無囑比見吾三子者宜自重

與張平章仲一

徐威卿太常

某呈岳閣下時夏伏惟鈞履曼福調鼎優游神明孚佑敝邑不幸自去歲九月至今不雨二禾盡損秋稼不能立苗百姓屢虞無法可救今差發已降輸納之力究不能任謹遣知事馬某從納憐曲中前往告請萬望相公以平生利物之心力為分解方便奏請量加輕減甚大惠也惟相公鑒裁比遂恭謁切冀為稱贊大器自學不究

與王文炳

某頓首拜啓某先生為別未久計惟履況佳勝昨於大寒中遠勞從者一臨獎邑至於服膺教益中心耿耿未嘗忘

也唯是東西相望川陸脣阻何時復接話言以慰遠懷耳辰下春暄未間倍希以道業鄭重

與呂子謙參議

某頓首再拜從者向寓燕臺聞吾友冒寒北上或者以為厭閑冷而將有奔逐之興余獨不然北渡以來餘二十一年矣遊從之久又非一日蓋已熟某之為與人交重氣節輕貨財決非為利而往者既而從周君南歸若一年又從北歸久之復南下舍已從人常人以為不智以不肖觀之知其為隱忍以成事者今軍儲重計雖上命委注周君其陰利諸郡力草宿弊使治餉糞冗之地肅然無事如一閭秩計吾友之論之力為多他日升聞當贊畫大事不啻此而已幸加勉為道自重草略不宣

與海雲長老

木菴

某札上海雲大老文侍次韻子玉兄拙詩奉寄某為千里一笑牆陰殘雪半融春白髮又隨時節新老矣久無題柱志然哉空有臥雲身逢人開口須防錯對景吟詩莫厭頻風月未知誰是主料應都付人國師到燕謹依命辱侍在城禪教師德皆望象駕還燕不敢多囑

與王百一狀元

楊飛卿

某頓首再拜上覆某狀元老先生通者因公到燕然因詠遭際幸近清光過辱周旋俯接小人某一介胄武末惟知效用于弓刀鞍馬間竭股肱之力耳今幸預門下之下容樽酒而連恍然置我於春風和氣中剔去終身塵俗之鄙感德奚能云喻善慶行謹狀申謝未中庚暑正熾惟萬為斯文自愛自學式副天下士大夫之望餘不能忘

與呂子謙詳議

某頓首再拜從者自東原一別十餘載其傾嚮之心可知已昨英孺兄至自洪上散承手書就審文履佳勝感慰交集某逾五十而凌雲邁往之氣索然矣第時雕肝割腎偶得一聯一詠聊以自適餘不足為故人道人還謹此奉荅魚謝即日涼秋更祈以遠大之業自愛臨紙忽不盡所欲言

中州啓劄卷之一

中州啟劄卷之二

與寶先生

許左丞魯齋

老病侵尋歸心急思所以請未得其門也邇來相從
實望見教不意復有引薦之言作意一聞之踧踖且驚且懼
即舍中懇陳所以不可之故至于再三始蒙惠許一作違
別三教日復慮他說聞之不終前惠是用喋喋重陳向未
懇禱一作不可之意嘗謂天下古今一治一亂治無常治亂無
常亂之中有治焉治之中有亂焉亂極而入於治極
而入於亂之終治之始也治之終亂之始也治亂相循
天人交勝天之勝實揜文也人之勝文紀實也一無此
勝不已則亂至公平則文著而行矣一作平則勝矣故凡
善惡得失之應無妄然者而世謂之治非一日之為也
一作治豈一其未有素也一作人勝不已則積而至於偏

低則文沒不用矣一作偏則斯文故凡善惡得失之迹若
認焉者而世謂之亂非一日之為也一作亂豈一其未
有素也一作人勝不已則積而至於偏
之所在時也時之所向勢也勢不可違時不可犯順而處
之則進退出處窮達得喪莫非義也古之所謂聰明睿知
者唯能識此也所謂神武而不殺者唯能體此也或者橫
加已意欲先天而開之拂時而舉之是握苗也是代大匠
斷也握苗則害稼代匠則傷手是豈成已成物之道哉即
其違順之夕寡乃其害也悔吝之多寡也平生拙學認此
為的信而守之固敢自異今先生直欲以助長之力攝之
傷手一作不之地是果相知者所為無此一句有是區
者所教耶二十三字無益清朝徒重後悔豈交遊之益
不足為之慮耶抑真以擄散為可用之材也一作相愛之

深未應迴爾一作何若夫春日池塘秋風未泰夏未雨蚤
老未收冬將寒固盈倉精門喧童稚架蒲書山色水光
詩懷酒興拙謀或可以辨此也是以心思意向日日在此
安此樂此言亦此書亦此百周十折心期得此而浚已先
生不此之酌而彼之助是不可其所可而可其所不可也
其可哉將愛之實害之萬惟恕察言不能隱括悚息待罪

與即律惟重

書奉寄即律生久別不得會見豈勝懷想王之奇來雷開
尊文以下皆安良慰西山詩說與文公詩傳異同此非區
區所能辨然夙昔愛生勤學似不欲虛其所問雖自知淺
陋猶喜一言之春秋壞於三傳此誤固矣然盡去三傳而
不讀吾恐撥識之失又甚於三傳書義壞於漢儒之序此
說固矣然盡欲去之而不讀吾恐逆度之差又甚於漢儒

之序程朱以來講明究析其可信可疑亦略有說蓋自焚
滅之後歷千餘歲其間變故又復不少遺脫舛誤焉能盡
如珠泗之舊雖語孟二書亦有可疑學者但當求其旨意
溫來敦厚經大端成孝教以自體之日積月累庶或有益
至於此等疑義姑闕之可也舊見西山文字平實簡易不
意此論急迫漫為殊無溫柔敦厚含蓄氣象抑其少日之
為耶抑或他人為之而傳者之誤耶觀其考覈辨難出人
意表未易折衷容會時更論鄙見如此未識果是否也
因風附意惟慎度是望不悉

與子師可

小學四書吾敬信如神明自汝孩提時便令誦習望於此
有得他書雖不治無憾也今殆十五年矣尚未成誦問其
指意亦不曉知此吾所以深憂也高疑未聞汝肯自勉勝

於前日我心甚喜未識其果然乎歸違道今在此言論忘
趣多出小學四書其註語或問與先儒格言誦之甚熟至
累數萬言猶未竭此亦為實自強故能是爾我生平長處
在信此數書其短處在虛聲牽制以有今日今日之勢可
憂而不可恃也汝當繼我長處改我短處汝果能為實果
能自強我雖貴顯云云遠足禍汝萬宜致思此見且專讀
孟子孟子如泰山巖：可以超人偷惰無恥之病疑也相
與翰導之

與子聲入之二執事

比年諸幼多病不勝憂苦近方收拾一二小者為可子讀
書計政恐擾動不安聞令親傳道雅意甚非所望某之愚
陋先生之所知也得受共城一壘與老妻稚子竭力耕鋤
閒暇日會二三學者讀古人書則至願足矣且西去丘壠

不速尤為快便日夜思此至熟也夫尊榮貴顯固人之所
甚欲然鵠之來軒車之來墻豈唯取誇忿於天下彼挾矢
者交會圍至殆其生之不能保持愛之實害之先生不慮
及此耶區：之懷真蒙照察是以不避抵冒之罪極意盡
言賢王誤采虛名曲盡召旨以學官之職降付鄙人迷去
則不敢聽命則不能夙夜憂惶莫知所處聞二君子還王
府矣有解釋之路願賜教約夫尊貴榮顯固人之所愛然
鵠之來軒車之來墻反足以賈禍而召怨曾不若安守貧
苦之為愈也亂後雖守小序實出借安比年竭力經營田
土庶幾前日之非何意虛聲展轉至於如此二君子最知
某者為願為意

與仲晦仲一

某頃首再拜某兩君子執事將春敬惟雅況清裕某山野

鄙人虛名過實不勝愧負仲一過京兆以稠人中不免款
附所懷繼荷仲晦公特書慰勉使某寬而居安而待其時
已為士君子家託二三子相從正句讀今復十數矣其東
脩之供綽有餘裕思旨益之以俸給是魚肉而又熊掌也
以義制之不容有受且仲可遵道之生理未治其事體自
是不同再四辭於宣撫廉公左右未見從允靜言思之將
苟避矯敬之嫌必難免士林之誚託所以解之非二君子
其誰可而弗獲節有不安明公必能察於言意之外也區
區不已重附從里李公幸聆亮

思旨令某充京兆提學某之寡陋先生素知使依先降恩
命教人家子弟已愧不稱况提學之職必習知舉業場屋
有聲者可得為之而其蹇淺昏昧一無所曉何以當此苟
強顏為之不唯取笑四方為士友所責亦恐用非其人為

當路諸公之累是頃輸惆悵冒竇陳說仲晦仲一二君子
所願奉致此意何由使某得守先命少緩士林之議便風
不之伏賜詩藥適者從宜李公未傳道二君子雅意佩感
但病中未及作書為謝

與友人

把仲輝具悉日來所履良用憮然某也與子為師與令親
為友不能善誘善導使入孝慈顧相怨交惡反出衰俗之
下益自知平日區：初無小補德之涼薄其誤人乃如此
可勝愧負勸道之古非有固吝但疇昔事凡方來嘗面陳
可否猶黑白然且不見信今業已為之豈咫尺之書所可
回邪雖然故舊之情不忍遂已擬托歸遵道過蘇門款叙
所懷雖知強晤罔濟以愚懇無他庶或有一中耳汝今日
所處固為甚難然天下公議責備於臣子必責備於賢

者父之通即子之通也正當反躬自克百倍其勇令親之失亦汝之失也此若不悟毋將殆有無窮之悔夫重思重思

與李才卿冠子孟楊元甫

梁寬甫證候右脇肺部也嗽而唾血舉動喘促者肺診也發熱脈數不能食者火未刑金肺與脾俱虛也肺與脾俱虛而火來之其病為逆如此者例不可補瀉蓋補金則慮金與火持而喘嗽益增瀉火則慮火不退位而症癖反盛正宜補中益氣湯先扶元氣必以治病藥加之間已用此藥而不獲効意必病勢告逆而藥力未到也當與寬甫熟論速期秋涼廣就子復蓋肺病惡春夏火氣至秋冬則退也止宜於益氣湯中隨時陰陽升降浮沉溫涼寒熱及見有證增損服之升降浮沉則順之溫涼寒熱則反之或覺

氣壅間服加減枳朮圓或有飲間服局方枳朮湯數月後廣逆氣少回逆氣回則治法可施但恐今日已至色黃赤及脈弦脈洪則無及矣近世論醫有主河間劉氏者有主易州張氏者張氏用藥依准四時陰陽升降而增損之正內經四氣調神之義醫而不知此先行也劉氏用藥務在推陳致新不使少有佛鬱正造化新不停之義醫而不知此無術也然而主張氏者或未盡張氏之妙則瞑眩之劑終莫敢投至失幾後時而不救者多矣主劉氏者或未悉劉氏之蘊則劫効目前陰損正氣遺禍於後日者多矣能用二家之長而無二者之弊則治庶幾乎寬甫病候初感必深所傷物當時消導不盡停滯淹延變生他證以至子今恐亦且微劉氏推陳致新之意少加消導藥於益氣湯中庶有新緩之期也鄙見如此未敢以為必然惟吾

才卿元甫子益共商論之

與王濟川

濟川詳談友兄執事之用春來會見無恙也別去不知速為永決追念往昔相從之舊豈勝哀痛少者致養老者倚養人之常理吾兄春秋高生業未遂已為憂苦不知又何堪此也凶變之來莫測以為天耶人耶要必勉自寬解速為後人慮度玉回草叙區區之寄仕重尤當自力餘不及盡言之

與韓邦傑

總判邦傑舊游相別之久相去之遠公務冗中乃不能相從之舊殊慰懷想而無競又論為學為政皆有進長尤可喜也某卧病近一月未能出門無補公私徒增愧恐區區之志想諸公可憐也此會見望以時加愛加勉不能忘

與提學

提學先生執事願之來審文况安適為慰嚮來會晤俱以思之不遂挽由之願別後寓此又復一年無補公私徒增憂懼念昔相期郵居接壤環瞻兒輩種田讀書徜徉山水間以盡餘生此志竟得遂否病中草奉候未聞于萬保諒是祝

與李仲實

總管友兄執事太夫人捐館既不克奔慰又無便風以奉區區可勝悵惘聞中之別迄今幾十年不獲寧處風疾纏綿重慶患鬚髮白已盡矣何時一見細道久別之懷因風敬附謝懇未聞天氣向熱萬祈以禮自愛不宣

與孫謙甫

謙甫友兄執事遠承惠問且知別後尊况佳安喜慰之至

秀才德性可愛及此妙齡肯為學不輟其成就當有過人者今日所期雖未即遂或者天命未欽小成乎事既偶然惟宜緩待不知以燕何如會見時當更論秋涼保線是祝區：不宣

與趙輔之

宣撫公獎舊執事託渠寬南奉書想今已達秋涼遠惟文侯康裕少事輒復干浼某人某之甥也聞為同儕所苦執事肯為區處得就安便甚望竹頭木屑或可量材用之又出望外也國務方殷不暇言此瑣細豈勝愧悚然親戚之求有不獲已為者萬乞照亮未聞惟為國為民自愛重

宣撫公舊獎執事執別膏腴忽復許久豈惟交游之舊日積驕惰向來定亂破敵為天下賴人欽服之意不容已也某來辱惠音承起居佳勝太夫人亦康健慰慰可重某

自去歲得脚氣近日始緩餘皆無可言者因風奉報比良晤為真為民自愛區：不宣

與友人

向來報書想已聞達某行重附郵意某自前年得還鄉甚思吾友相與鄰居方將經營復此遠出今燕居燕城日就衰朽何別離之易而會聚之難如此也區：拙迹某人能道其實不足煩吾友慮比會晤唯祈以善自重不宣

與君瑞

君瑞先生侍側某來尋緱簡窗開尊况動止康裕甚慰遠懷某即此旅寓日益無聊某人婦能道其實外人或傳留受職任正由不知已者相玩戲也掛齒且不可況筆之書乎千萬乞照亮未聞惟冀以道自愛重區：不宣

與鹿正之

正之卿兄執事向在關中得幸相近以墳廬之故不遂相守吾兄遠送臨潼哭呼為別可見顧愛之情如此其別後日復一日馳驅道路間憶昔者相從之樂可勝悵悵秋涼

遠惟尊侯泊仙集各安裕某即此區：無足道者未聞惟調設即前高大不宣

向在關中得親近文卿交連輩有講習之樂有切磋之益東還入紛擾冗中所接聞殊不如意加以染病繼作旅寓遠方憶昔相從優游自得豈勝悵悵秋涼歎惟尊况泊五某各安順人行草、附問會晤未涯切冀以時自愛區：不宣

與許仲常

向約鄧州迎即寄書未今聞一信何耶生事當着實自力不須更求勾當應日沒愈無涯際悔不可及當深思之此

見惟勵不悉

與孫伯玉

伯友玉舊執事春初遠惟福履清佳老得吾友相與鄰居實夙昔所願方率兒輩結茅楸桑為讀書計不意有此行也今雖寓此請歸之念無日去心新居草創計多勞苦要當安心勉力庶可必成也因風示報為辛人行敬附郵意伯玉友兄執事犬子來知有幼孫之慶而生理又復不遂可勝動念人生所遇或厚或薄理有當然故重人教戒正要於此益堅益壯不可怯懦安也積學力行始亨之端犬子還能道區：也正遠惟千萬自愛

與張仲謙

左相心契執事十九日承手書且聞起居康勝喜慰不可量某之拙學無足言者而執事虛心每問反尚未知果

不足用也雖然感意不可虛辱竊謂父子君臣寔天所命能順而不失則人道倫矣其利與鈍或與否雖古人不能必吾豈可不聽天命而苟為哉管見區區只此為是所以為拙學也材不盤費極感厚意因風奉荅魚謝此語對千萬慎愛不宣

左相心契執事犬子於六月二日病歿某罪逆深重不見祐于神明使禍延所慶肝腸痛慘猶斂刀割裂仰天哀號不知所以為言但犬子初還家飲食猶日進二升時猶馳行四月初聞妻子不來病遂日增醫者診之驚證也由心氣不足親友亦各某當時不即挈引還家致致如此病且革果唯不得舒暢使然胃膈氣滯不得上下以至于死事已往矣萬悔何及人生脩短固有定數不可改易然淺懷浴見終未能無恨於此也望以是意達之焦氏良親切錄

在樞樞使他日得承吾兒後萬謝萬感雪齋侍講郎中三執事不及另書望道此意士辰後憂苦無若今日殆不可生存矣因風奉示教

與文子貞

向托劉孝叔附書不意耽此沉疴新行復令附信已不及矣自今觀之正宜慎言克已安心靜守紛紜之議不煩辨也比夏或得還家當細語此未聞惟好自愛重不志

與呂伯允

書奉伯允秀才不意凶變令尊天養桑榮養可勝驚惶舊聞伯允途路中偶與人相從及相別心為不忍今罹此難咎何以堪處茲禮遵用遺言依倣古制信道力行至于如此揚元甫之亞也敬嘆敬嘆路遠不及一往慰問悵惆局可言未聞惟以禮自盡區區至祝不宣

與蘇宣撫

比日車從過草懷不獲一見可勝悵惆時暑散惟起居安裕友兄楊元甫隱士也為信好學操履不苟實我輩所仰重執事時育眷顧美事也劉成之舊從統司農今將還家謹此附意比良晤惟千萬為國為民自愛區區不宣

向來會見以相愛之故不敢不盡所言然其辭折可否頗傷急迫將謂發罪於吾兄也適別未幾遽辱誨音知吾兄襟度寬綽或見區區之意本無他也感慰感慰教生還草附謝懇正敬惟千萬保諒

自大名遷居蘇門其大喜有三親善人也近鄉土也得佳山水也是以疏麻樹桑園為老計三數年雖所為未果而志慮愈堅於向時矣

某頓首再拜蘇蘇門之來此是於明言俾教授子弟某以

皆為小序故不敢昧而不得辭已聞四方之傳形於謗言若於誰辨聲聞過情之趾宜被一身惟有玷乎諸公之明懷懼無既茲復頃以提學之命恩則辱矣憂如之何畏辭納于宣撫公承承承見允憂懼薰心感疾如舊不能起者旬日矣其不安之勢可以意曉且提學主司之職承光學官且望考校賦詩義論積年于是將使無素業者易而尸之於公議自不容安故敢上冒威名陳辭於左右冀須欵于仲晦仲一洎諸君子因大用回附片言隻字以諭撫司得申卑懇不勝拜賜

某頓首再拜蘇過來草率奉書想不為浮沉然區區所求主甚迫切故又喋喋京兆舊有提學每旦望考校賦詩義論是為所職而某于舉業初不曾攻習習者雖守小序僅能與重子正句讀釋音訓而已今代領其職是職大負焉

獲之任也雖有折筋絕其可勉強累復求于宣撫廉公莫為回奏未見允許憂懼薰心至于臥病其不安之勢先生可想見也特愛舊願致此意于仲晦仲一二君子若獲專奉元受恩命教授子弟則為塞之實可以勉勵庶幾小安也

某頓首十六日承誨簡知通日宿疾尚未全愈可勝憂想乘根煎固治肺疾然須從升降浮沉多加時藥少加治藥以待秋涼雖旦暮未有顯而効他日奉長之氣漸有生發則神祕輩可一兩服便聽斯理也嘗與遵道論之甚不可以迂濶或近不之信也未知先生以為如何

即中心契執事別後南歸得守丘壠殊達所願老來情思苦厭喧雜探督兒童種田讀書雖知拙謀心自喜幸農夫野叟日夕相遇與之語言固不盡曉要其中無甚險阻是

可尚矣達辱存記兩枉書教且承雅意肯為鄉閭迂闊之為亦有同者喜不能寐佇俟好音鄙人有幸須得會合切望切望

代李和叔與兄子

付天敏吾先本名族自兵亂以來哀類不振諸子且孱弱未見可以繼復先人之舊者獨汝沉靜敏慧度越諸子我是以崎嶇宛轉求托於王公文東也既從學有稱于同輩至慰所望比年以親事隔遠不得躬加勸督殊使人動心吾意汝之進學不類於前日即則本質深沉遠變於歲月之頃吾意汝之進學果類於前日即則行人給繹了不聞勤苦之言因念生業陵替使汝昏要之禮不如宿昔之舊可歎也可愧也三數年來吾以目疾失明凡曰交遊曰故舊莫不傷悼矜憫有不達百里而慰問者皆予夏聖門之

高弟其失明猶曰天乎天乎況吾戎薄之資處憂患之際能無動於中乎先人之業欲墜未墜望所以興復吾門者唯汝耳汝而肯學則吾李氏之後庶其餘輝矣汝而不學則吾李氏之後為工歟為商歟為牛重歟為馬走歟蓋有不足論者此吾所以重傷隔別之遠而愈益失明之恨也吾先代皆以官業名世原其所自蓋積于勤學之於人其大矣哉父子之親君臣之義與大夫婦長幼朋友亦莫不各有當然之則此天倫也苟無學問以明之則違遠人道與禽獸殆無少異以禽獸無異之材反為禽獸聚人之表吾見其謬悠荒唐卒陷于自欺而後已也吾衰且老重以疾廢平時所矧于汝者自是愈切不知汝之慮心亦果如吾之慮心乎欲語所懷竟未有便處除至近也須扶引乃能出入十里之遠計會聚於何時

與即律中書

商左山孟卿

即長仲秋謹時伏惟鈞侯起居萬福比人來伏雷崇膺帝寵入判左臺眷遇之際朝臣莫及既而平章燕公還鎮又知方政燕郡病起望無任忻躍之至山川綿邈不獲列名於賀席之末其為悵惘蓋可知矣今專蕪經歷特此申賀比由恭覲伏乞為國為民壽重

與姚尚書

即辰夏暑伏惟尊候康裕久不奉教益曷勝瞻戀人至承珍翰就雷軒飾尚南東平尋復入來報已達開平甚慰懷想鳴鶴莊子但目下無可委者且付完顏進之主管伏乞鈞照家堂衰老今年疾疫相仍不知前途安能稅駕入回謹此上聞兼問此日起居何如未由恭拜伏冀順時善加珍愛不宣

與薇相

新秋伏惟鈞侯茂膺十福進維素忍復許時傾金之誠有加無已念聞王祥歷未知而奉綸恩榮膺重寄忻躍之情豈止不寐而已乎所恨者吏事相纏不免俸賜一貲今專王彈壓行持此代賀王純謹可取望閣下少與為地此亦適相之意也本間更冀為國自重不宣

與晦公國師

每以人未屢審動靜深用為慰恭以德薄才疎特蒙吾師不以穉散為可棄累賜函錄豈不感：所恨者以吏事紛冗道里遠邈有闕上問為嫌多矣伏乞原亮不宣

與王平章

拜遠已遠景慕何重念中平章肅公還鎮知朝會已畢漢總燕堂又承辱就其亦易環之意歎感：愧：某待罪長

安一切如昨餘不足相

與家休國師

久不奉教渴心生歷近王宏行嘗附耳懇計達左右少慰帥府李元帥者勇而有謀善通方畧歷：可取今馳傳赴闕意望吾師一言保奏懇專意必有所處餘不待喋：也會晤在通尚冀以時自重不宣

與崔鄭二宣撫

別久不勝傾企感暑諒惟起居安吉念中人未報命奉移鎮河東仍遂畫錦之便喜慰可知僕與執事義則故舊分則同列又且鄰封千里相望不能奉解一賀心實惓然遣入代禮誠有不得已者一作故舊之情鄰境之好義當一有所恨者為賤役廢：不克躬詣遣人代之幸勿見訝比由胥會尚冀以遠大器業自重不克究

與盧參政

奉遠已久頃聞益深壽暑計惟起居佳裕少事干說有趙州高同知職信恭謹老子吏事雖有極難人所不能措手指解者不動聲氣而能解之燕趙論老成人此君不甲則乙某敢以百口保之閣下有所施為苟舍此君其孰能哉若使守操不欲就職但置諸左右朝夕諮訪必多有所發明者

與劉萬戶

別後未審起居何似軍旅之間想勞經畫老夫年老看書覺目力差減家所藏者皆細字不便觀覽彼中有大字通鑑因歸總判附來藉此以遣老懷耳因行姑此奉聞比見辰下秋涼切宜速崇自愛不悉

與張崇二宣撫

秋暑伏惟鈞侯萬福比者人來報榮沐宸恩宣撫東原吉語所至勸勸與清永平人物繁盛甲於天下非聞望隆重才德兼全如二相公者其孰能當之非佞非妄山川綿邈相慶無緣今尋王彈壓特持此以代面賀未中冀以時自愛不宣

與張宣撫

念中承專人不遠千里數百里持書以厚禮相賀閣下中州宿望才德兼資鎮禦一方固其宜也某何人同列靜而思之徒增自愧

與邢州顏提點

某稽首拜書于尊師侍者即日夏季謹時伏惟履用清勝拜遠日久馳簡益滋比北人來屢審動靜深用為慰某即此走頌德庇凡百仍昨但年未多故髻髮半白故園一忌